







colorchecker CLASSIC


+




+




+












M. 11.272

Cat Moreau,

n° 2006



LETTRE  
DE MONSEIGNEVR  
LE  
PRINCE DE CONDE  
A MESSIEVRS  
DE PARIS.



A PARIS,

M. DC. L.

LETTRE  
DE MONSEIGNEUR  
LE PRINCE DE CONDE  
A MESSIEURS  
DE PARIS



A PARIS

M DC LI



LETTER  
DE MONSEIGNEVR  
L E  
PRINCE DE CONDE  
A Messieurs de Paris.

**M**

ESSIEVR S,

Le vois à la vérité qu'il ne se trouve plus d'admis dans l'affliction ny dans le mal-heur; & c'est avec raison qu'Ovide nous en a si sagement aduerté en ses deux vers:

*Donec eris felix multos numerabis amicos  
Tempora si fuerint nubila; solus eris*

A ij

Mais quoy qu'il en soit, Messieurs, il n'est de si mal-heureux qui ne vueille tousiours tendre au but de sa iustification : Ce que ie voudrois entreprendre si l'on auoit autant d'atention, & de patience pour m'escouter, que i'ay de passion & de volonté à vous le faire conceuoir.

Mon dessein n'est pas de blasmer les iugemens du Roy; ils sont trop iustes, pour dire que ie m'y opposerois: mais comme l'on peut dépeindre à double face, aussi bien que Janus à deux visages, l'image de nos pretentions, deguiser, dis-ie, la matiere pour blasmer la sincérité que i'ay touſiours eu à son seruice: Il se peut faire, de mesme que quelques-vns de mes ennemis n'aye, peut-estre, plus r'apporté mille fois de mes entreprises que le Ciel n'en à iamais cogneu en moy.

Ce glorieux Monarque que Dieu a mis sur le Throne François, pour gouerner la plus puissante Monarchie du monde, & pour encore reviure la memoire de ses Ayeuls (& ne se nomme t'il pas aussi de Dieu donné) pour vne infaillible marque de sa grandeur, & pour faire voir combien il veille à sa protection & aux aduantages de sa Couronne: Pour dire que ce n'eſt dont par conſequent vne temerité par trop impudente de vouloir (non entreprendre,) ains ſeullement penſer à la moindre atteinte n'y au moindre desir de luy desplaſtre.

Mais quoy qu'il en soit, me voila estimé Criminel, & r'enfermé dans vn lieu; enfin où i'ay beaucoup

coup de loisir , d'exercer ma patience , & dans vn  
seul moment priué de tous les honneurs que mon  
bras , & mon espee m'auoient acquis , & cette fa-  
meuse Renommée quiauoit volé de moy iusques  
dans les quatre coins du monde , terny à moins  
de rien ma gloire , flétry mes palmes , effacé la me-  
moire de mes illustres actions , de l'eternel sou-  
uenir de la posterité , & chassé honteusement  
comme vn second Phaëton d'aupres de ce Soleil ,  
dont la seule veue me faisoit entierement re-  
uiure .

Que l'on mette toute fois dans la balance ,  
tous les biens que i'ay fait à la France , les ha-  
zards où ie me suis exposé pour sa conseruation  
les occasions que i'ay tousiours souhaitté , pour  
vous tesmoigner , & ma fidelité , & ma bien-  
vueillance : Et puis l'on iugera par là si Condé  
qui auoit arboré les trophées de son Roy , gra-  
ue ses lys & planté si loing ses etandars , auroit  
eu l'ame si lasche & si effeminé , pour loger chez  
luy vn Demon si pernicieux , que le monstre dont  
il est accusé d'auoir produit au iour.

Mais encore , Messieurs , dans les cœurs les plus  
exempts de la compassion , il ne se trouuera pas  
de si barbares qui ne vueille accópagner de leurs  
regrets mes plaintes ? Et qui considereroit l'estat  
de ma vie passée , avec ma vie présente , ne desplo-  
reroit mon sort , & mes calamitez dans ce rencon-  
tre du lieu , qu'outre mon mal & ma douleur , de  
me tourmenter encore de leurs iniures ?

Meditez seulement sur cet accident, puis que le suiet en est si beau considerant l'estat de vos conditions, & puis les plus reueches apprendront par l'inconstance de nostre fortune, combien son instabilité se iouë des grandeurs & des vanités mondaines.

Puis que Condé, qui sans se vanter, auoit brûlé la mort, affronté les ennemis, & foulé au pied les plus puissantes forces des Herauts de son temps, est à present vaincu de peu de monde, mis au fers; luy seul qui auoit fait captif les autres, mocqué de ses ennemis: luy qui les auoit mangié & qui auoit mille fois mis en déroute tous les plus mauuais desseins qu'ils auoient jusques à présent tramé sur sa personne.

Non, non, si i'estois digne de larmes i'en verserois vn torrent pour desplorer vn mal-heur si funeste. Mais comme ie n'ay iamais manqué de constance n'y de valeur dans toutes les occurrences qui le pourroient requerir, ie ne manqueray point aussi de patience dans vn lieu où les plus hardis perdroient toute leur contenance.

Mais enfin, ie seray tout à fait consolé en mon affliction si vostre clemence à esgard à mon infirmité, & si nos voix ne proclame plus pour m'accabler d'avantage ses imprecactions, que ie n'ose nommer, & qui n'appartient qu'à des ames viles & abieutes, pour se venger de ses chimeres qui arqublent malgré eux leur Repos & qu'il leur donne plus d'inquietudes que les Dieux n'en

7

ont iamais, selon la fable, dans l'election de leurs  
officiers. Ne condamnez pas Condé, qu'il n'ait  
esté declare tout a fait criminel , & s'il reçoit de  
vos faueurs,cette courtoisie qui est inseparable de  
vos bonnes mœurs & du bon naturel que l'on  
vous estime, ie vous assure,qu'en reuange de cet-  
te grace que ie vous demande que Condé ce dira  
encore vne fois.

## MESSIEVR S,

Vostre tres-humble  
Seruiteur G.

THE ESTATE

